



Sesida dal

Communitgà ils

Protocol nr.

1. da zercladur 2021

4 da zercladur 2021

501/2021

Dumonda Gartmann-Albin

concernent il pass en il mund da lavur en temps da la pandemia dal coronavirus

Resposta da la Regenza

La furmaziun fundamentala professiunala è ina incumbensa cuminaivla che vegn ademplita communablamain da la Confederaziun, dal chantun e da las organisaziuns dal mund da la lavur (OdML). Ils trais lieus d'emprender – manaschis d'emprendissadi, scolas professiunalas spezialisadas e curs intermanaschials – intermedieschon ils cuntegns da la furmaziun tenor las ordinaziuns da furmaziun.

Tar la dumonda 1: Las OdML èn responsablas ch'ils manaschis affiliads mettian a disposiziun plazzas d'emprendissadi en la furmaziun professiunala. Als manaschis servan ils fufragnadis tranter auter er per chattar la generaziun giuvna da professiunistas e professiunists la pli adattada. En il chantun Grischun n'existan naginas infurmaziuns davart la dumonda, quants fufragnadis che vegnan purschids ed en tge furma. Dapi il 1. da mars 2020 po però vegnir consultà online il Register grischun da las firmas d'emprendissadi. Uschia èsi pli simpel per ils giuvenils da tschertgar in fufragnadi.

Tar la dumonda 2: Il dumber dals contracts d'emprendissadi suttascriets sco er il dumber da las plazzas d'emprendissadi publitgadas dals onns 2020 e 2021 (mintgamai stadi da la fin d'avrigl) na divergeschan betg cleramain da la media dals onns precedents (2017–2019). Infurmaziuns davart las branschas na pon vegnir dadas naginas, perquai ch'i vegn erui mo il dumber total, ma betg quel da las singulas branschas.

Mais / onn	Contracts d'emprendissadi suttascriets	Plazzas d'emprendissadi publitgadas
fin d'avrigl 2021	1121	928
fin d'avrigl 2020	1226	982
fin d'avrigl 2019	1187	941
fin d'avrigl 2018	1242	775
fin d'avrigl 2017	1322	867

Tar la dumonda 3: La Regenza è conscienta che la situaziun influenzada da COVID-19 po render pli difficil il pass en il mund da lavur en singulas bransch. Ma las pussaivladads da far quest pass e da far carriera èn però intactas e tut las furmazions fundamentalas professiunalas pon vegnir frequentadas. La task force naziunala "Perspectiva emprendissadi" s'engascha per che uschè blers giuvenils sco pussaivel chattian ina piazza d'emprendissadi e ch'ils manaschis d'emprendissadi occupian lur plazzas d'emprendissadi vacantas e mantegnian lur plazzas d'emprendissadi per pudair cuvrir uschia lur basegn da futuras spezialistas qualifitgadas e da futurs spezialists qualifitgads. La campagna naziunala #PROLEHRSTELLEN sensibilisescha p.ex. da cuntinuar cun l'engaschament per la tscherna da professiun. La Cussegliaziun chantunala da professiun, da studi e da carriera (CPSC) cusseglia giuvenils concernent la tscherna da professiun e metta a disposiziun infurmaziuns e documentaziuns. Sin berufsberatung.ch (portal d'infurmaziun uffizial da la Svizra) vegnan preschentadas las professiuns e publitgadas las plazzas d'emprendissadi libras. Il Management da cas Furmaziun professiunala (MCFP) sco part da la CPSC sustegna giuvenils che n'han nagina soluziun da cuntinuaziun, cura ch'els sortan da la scola populara u d'ina soluziun transitorica u suenter ch'els han interrut in emprendissadi. Per il 1. da mars 2021 è il MCFP vegnì restructurà ed extendì per 20 pertschient grazia a spustaments interns da plazzas, uschia che la cussegliaziun en las regiuns po vegnir garantida meglier. Ulteriuras mesiras n'èn betg planisadas.

Tar la dumonda 4: Gea.

Tar la dumonda 5: Cun l'introducziun dal Plan d'instrucziun 21 è er vegnì introducì il plan d'instrucziun dal modul "Orientaziun professiunala" che vegn instrui prioritarmain sin il stgalim secundar I. En quest connex elavuran ils giuvenils las premissas per tscherner lur finamira futura concernent la furmaziun e la professiun e preparan parallelamain en scola la transiziun en ina scolaziun postobligatoria. Per la 3. classa dal stgalim secundar I èn vegnidas stgaffidas en il chantun Grischun supplementarmain las structures da temp "Individualisaziun" cun la finamira da megliar la midada da las scholaras e dals scholars en in avegnir professiun u scolastic (p.ex. promoziun individuala da las cumpetenzas dal rom e da las cumpetenzas transversalas, optimaziun da la tscherna da la professiun, rinforzament da l'atgna responsabladad per il process da midada). Giuvenils che sortan da la scola e che na cumenzan betg directamain cun ina furmaziun fundamentala professiunala u scolastica han la pussaivladad da frequentar ina soluziun transitorica u il program da giuventetgna Funtauna (mesira per il martgà da lavur da l'Uffizi chantunal per industria, mastergn e lavur). Ultra da quai datti il MCFP (guardar resposta 3). Ulteriuras mesiras n'èn betg planisadas.



En num da la regenza

Il president:

Il cancellier:

Dr. Mario Cavigelli

e.sub. C. Hartmann Lütcher